

THIS BOOK BELONGS TO
ST. MARY'S COLLEGE,
OSCOTT, BIRMINGHAM.

Press

Shelf

Number

LXXII

K


4





Sancta Maria de Oscott


0.8











SELECTI NVMMI
D V O
ANTONINIANI

Quorum Primus

ANNI NOVI AVSPICIA

Alter

COMMODVM,

E T

ANNIVM VERVM

CAESARES

EXHIBET

Ex Bibliotheca Eminentiss. Principis

CAMILLI CARDINALIS MAXIMI.

Io. Petrus. Bellorius

R O M A E,

Typis Iacobi Dragoncelli. 1676.

SVPERIORVM PERMISSV.

Melchior. Magius. C.A.C.

•Romæ. 1725.

SELECTED INVENTIONS

OF THE

ART TO THE

ART OF THE

ART OF THE

COMMON

ART OF THE

ART OF THE

ART OF THE

ART OF THE

ART OF THE

ART OF THE

ART OF THE

ART OF THE

ART OF THE

ART OF THE

ART OF THE

ART OF THE

ANTONINI PII
AUGUSTI
NVMMVVS

DE

ANNI NOVI AVSPICIIS

EXPLICATVS.



ROMAE, Typis Iac. Dragondelli. 1676.

Superiorum permissu.


ANTHONY
BY
J. V. A.



Imprimatur, si videbitur Reuerendiss.
Pat. Mag. Sac. Pal. Apost.

I. de Ang. Archiepisc. Urb. Vicefg.

Imprimatur Fr. Raimundus Capisuccus
Ord. Præd. Sac. Pal. Apost. Mag.







CAMILLVS S·R·E·PRESB·CARD·MAXIMVS
ROMANVS DIE XXII·DECEMBR·
MDCLXX.

Obijt die 12. Septembris 1677.

Carolus Marattius

Alb. Clouet Sculp.

Io. Jacob. de Rubeis formis Romæ ad Temp. pacis cū priu. S. Pont.

3

Nobilissimo Eruditissimoq; Viro

CLAVDIO NICASIO

SANCTAE CAPPELLAE DIVIO-
NENSIS CANONICO

Io. Petrus Bellorius S. P. D

FREQVENTER efflagitas à me Præ-
stantissime , ac Humanissime NI-
CASL& ex consuetudine humanitatis tuæ
requiris , vt Te certiolem faciam de nostris
in antiquitatem studijs , Tibique ex veteri,
fas sit dicere , Africa nostra noui aliquid
adferam . Ego verò , qui Te summa obser-
uantia prosequor , Tibique plurimis vin-
culis obstrictus ex animo parere cupio, non
Lybicum aliquod monstrum profero , sed
ex vetustatis latebris , nouum , atque ele-
gans eruditionis decus promam , ac foras
educam . In perquirendis enim Urbis ru-
deribus , nunquam elanguescit antiquita-
tis genius : mirum est quàm præclara mo-

numenta, signa, toreumata, æra, marmora, ac, vt ita loquar, omnis eruditionis fegetem feraces ipsæ edant ruinæ. Et sanè vetera numismata, quibus validiori præ cæteris omnibus, argumento, ad nominis famam in æuum excitandam, Romani præcipuè vsi sunt, quotidie eruuntur; itaut antiquitatis thesauri è sepulchris Diti, ac Manibus erepti, Apolline, ac Musis auspiciibus perennent. Interim Græcis nummis omiſſis, qui mirificè ad illustrandam historiam conferunt, Latini sanè, cum iam plenis oculis Imperatorum Romanorum series penè absoluta sit: si qui nunquam antea visi, recens eruantur, iidem omnium pretiosissimi habendi sunt. Pretium verò, atque æstimatio ad summum augetur, si raritatem exuperat eruditio, ac veteres mores nos edoceant, seriemque ipsam Augustorum compleant. Vnde mirum in modum estimandus est læreus primæ magnitudinis nummus, in honorem Antonini Pij percussus, & ad hanc diem nondum

Antonini Pij Nummus . 7

dum spectatus , præterquam in descriptis
ab Occone , idemque in thesauro Biblio-
thecæ Eminentiss. Principis Camilli Car-
dinalis Maximi , nouum decus , noua
luce coruscat . Exhibet ab vno latere ipsius
Antonini caput cum titulo IMP. T.AEL.
CAES. HADR. ANTONINVS AVG.
PIVS. *Imperator Titus Aelius Cæsar Ha-*
drianus Antoninus Augustus Pius . Ab alio
latere lauream Antonino dicatam refert ,
in qua S. P. Q. R. A. N. F. F. OPTIMO
PRINCIPI PIO .



A 4 Quam

Quam Inscriptionem , cum suis litterarum notis , sic interpretamur *Senatus Populusque Romanus Annum novum faustum felicem Optimo Principi Pio* . In alijs eadem corona appicta est , intra quam legitur tantum S. P. Q. R. OPTIMO PRINCIPI S. C Interpretationis verò sensum dupliciter elicimus . Et primò : Annum novus fuit antiquitus principium Consulatus initi Kalendis Ianuarij , qua die Consules designati Consulatus munus incipiebant , & ab ipsis novus annus aperiri dicebatur . Ad quem solemnem ritum respexit Claudianus in Panegyrico de III. Consulatu Honorij .

*Tuq; ò qui patrium curis aequalibus Orbẽ,
Eo cum fratre geris , procede secundis
Alitibus, Phæbique novos ordire meatus .*

Et expresse in VI. eiusdem Consulatu de Iano loquens .

Iamque novum fastis aperit felicibus annum .

Ore coronatus gemino .

Ro-

Romani porrò, boni ominis gratia, suis Principibus, vel Consulatum gerentibus annum novum incipientem lætis precationibus, auspicabantur, ac solemnia vota pro ipsorum incolumitate, ac felicitate soluebant. Quod, & Senatus, & Populus, & Pontifices, & Sacerdotes, omnesque Ordines faciebant. Prudentius

*Iano etiam celebri de mense litatur
Auspicijs, epulisq; sacris, quas inueterato.
Heu miseri! sub honore agitant, &
gaudia ducunt.*

festa Calendarum.

De votis pro Principe Dion. Post Calendas Ianuarij die tertio Principis vota suscepta. Item Caius I. C. Pridie nonas Ianuarias votum pro salute Principis. Id tertio nonas à Senatoribus factum colligitur ex Capitolino in Pertinace: Denique tertium Nonarum diem, votis ipsis, milites Triarium Maternum Lasciuium Senatorem nobilem ducere in castra voluerunt, ut eum rebus Romanis imponerent. His addimus
que

quæ Tertullianus in libro de Corona militis describit de annuis votis nuncupatis 3 Nonas Ianuarij pro incolumitate Imperatorum a militibus in castris, & a Senatu in Capitolio: *Ecce annua votorum nuncupatio, quid videtur? prima in principijs, secunda in Capitolijs. Accipe post loca, & verba. Hunc tibi Iupiter bouem cornibus auro decoratis vouemus.* Kalendis ipsis Ianuarij anno nouo, Populus Romanus stipem quoque Principi offerebat; quem morem illustant duæ inscriptiones Gruterianæ, Vulcano, & Laribus publicis ædem, seu aram Augusto dedicante.

IMP. CAESAR. DIVI. F. AVGVSTVS.

PONTIFEX. MAXIMVS.

IMP. XIII. COS. XI. TRIB. POTEST. XV.

EX. STIPE. QVAM. POPVLVS. ROMANVS

ANNO. NOVO. APSENTI. CONTVLIT

NERONE. CLAVDIO. DRVSO

T. QVINTIO. CRISPINO

COS

VOLCANO.

LA-

LARIBVS. PVBLICIS. SACRVM
IMP. CAESAR. DIVI. F. AVGVSTVS
PONTIFEX. MAXIMVS
TRIBVNIC. POTES. XVIII.
EX. STIPE. QVAM. POPVLVS. EI
CONTVLIT. K. IANVAR. APSENTI
C. CALVISIO. SABINO . COS
L. PASSIENO. RVFO

Ad quam inscriptionem notat Gruterus Suetonij locum, in vita ipsius Augusti, cap. LVII. *Omnes Ordines in lacum Curtij, quot annis, ex voto pro salute eius stipem iaciebant.* Gruterus, *hoc est, nummum signatum Kalendis Ianuarij anni noui initio.* Idem Suetonius in Caligula: *edixit & strenas ineunte anno, se recepturum, Stetitque in vestibulo aedium Kal. Ianuarij ad captandas stipes, quas plenis ante eum manibus, ac sinu omnis generis turba fundebat.* Strenarum verò oblationem sub Augusto, & Caio vsurpatam, Claudius edicto sustulit, ut scribit Dion. Hinc satis liquet Senatum, Po-

Populumque Romanum, anni noui initio, suis Principibus lætis, faustisque precationibus, pro eorum salute, ac felicitate vota nuncupasse, quod expressum videtur in hoc Antonini nummo: *Senatus Populusque Romanus annum nouum faustum felicem Optimo Principi Pio*. Ad cuius exemplar & priuati ciues sibi inuicem faustum, felicemque nouum annum ominabantur, ac vicissim munera, & strenas mittebant. Plinius lib. 28. cap. 11. Deos preces exaudire, ac verbis moueri sic arguit: *Licet hanc in partem singulorum quoque conscientiam coarguere. Cur enim primum anni incipientis diem lætis precationibus inuicem faustum ominamur*. Qui mos a priscis sæculis deductus, permanet adhuc non tantum Romæ, sed & in vniuersa Italia, & apud exterarum gentium Christi Domini sacris Natalitijs, & ipsdem proximis Ianuarij Kalendis solemniter insignitus.

Quamuis autem hæc prima expositio, numismatis notas declarare luculenter videat.

deatur; altera tamen noui anni ratio congruentior occurrit, in aliud tempus referens vota suscepta à Senatu, Populoque Romano pro incolumitate Principum, proque eorum felicitate, Imperijque auspicanda æternitate; quam rationem suggerit Seneca in Apolocynthesi, seu satyra Claudiana, in hæc verba, ipsius Satyræ initio.

Quid actum sit in cælo ante diem tertium eidus Octobris, Asinio Marcello, Acilio Auiola Coss. anno nouo, initio sæculi felicissimi; Vbi Gruterus: Nouus annus dicebatur primus annus Imperij alicuius Imperatoris, ut ad hunc locum notat Turnebus lib. 23. cap. 8. Aduers. Vnde nouus annus à Seneca auspicatus mortuo Claudio, primus fuit Imperij Neronis, quem ipse Seneca nominat initium sæculi felicissimi. Prosequitur inde nouos, aureosq; Neronis annos, ex ore Apollinis, poetico stylo, atque elegantia canere.

*At Lachesis redimita comas, ornata capillos,
Pieria crinem lauro, frontemque coronans,*

Can-

*Candida de niveo subtegmina vellere sumit
 Felici moderanda manu, quæ ducta colorem
 Assumpsere nouum; mirantur pensa sorores
 Mutatur vilis pretioso lana metallo.*

Aurea formoso descendunt secula filo.

*Hæc Apollo, at Lachesis, quæ & ipsa homi-
 ni fortissimo fauerat, fecit, & plena orditur
 manu, & Neroni multos annos de suo dat.*
 Sic annum nouum faustum, felicemque,
 cuius extat memoria in nostro nummo,
 referimus ad annum Imperij ab Antonino
 Pio suscepti, mortuo Hadriano, qui fuit
 anno Urbis DCCCXC. Christi CXXXIX.
 Quo anno Antoninus ab Hadriano, teste
 Capitolino, adoptatus v. Kalendas Mar-
 tias die, factusque est patri in imperio pro-
 consulari, & in tribunitia potestate colle-
 ga. Et eodem anno, cum Hadrianus de-
 cessisset ad vj. Idus Iulij, solus imperium
 sumpsit, Hæc vota fiebant primò in ac-
 clamationibus Senatus, in Curia, & in Ca-
 pitolio I. O. M. ipsa die, & hora impe-
 rij suscepti; quarum acclamationum so-

lemnes formulas habemus apud Capitoli-
 num, Lampridium, & Vopiscum in Ale-
 xandro Seuero, Gordiano, Balbino, Pu-
 pieno, Tacito, Probo: *Maxime, & Bal-
 bine Augusti Dii vos seruent, Dii vos Prin-
 cipes fecerunt, Dii vos conseruent: felices vos
 iudicio Senatus, felicem Rempublicam ve-
 stro imperio. Felicissime Tacite Auguste Dii
 te seruent. Probe Auguste Dii te seruent;
 Assessor Reipublicæ feliciter imperes.* De Tra-
 iano in Panegyrico Plinius: *Nihil magis
 possum propriè dicere, quam quod dictum est
 a cuncto Senatu: ò te felicem; quod cum di-
 ceremus, non opes tuas, sed animum miraba-
 mur. Est enim demum vera felicitas felici-
 tate dignum videri* De Augusto, & Traiano
 Eutropius: *Huius tantum memoriæ dela-
 tum est, ut ad nostram usque ætatem, non
 aliter in Senatu Principibus acclamaretur,
 nisi: felicior Augusto, melior Traiano. Re-
 petebantur verò hæ solemnes acclama-
 tiones quolibet anno suscepti imperij,
 non Romæ tantum, verum etiam in pro-*
 uin-

uincijs, & Colonijs, quæ Principum natalem diem, diemque suscepti imperij solemnibus sacris, & faustis precationibus celebrabant, vt de Augusto insigne extat marmor Narbonense, quod nostræ inscriptionis formulam adamussim explicat.

QVOD BONVM FAVSTVM FELIXQVE SIT
IMPE. CAESARI DIVI F. AVGVSTO

Et postea ITEM PRAESTENT
K. QVOQVE IANVAR. THVS ET VINVM
COLONIS ET INCOLIS PRAESTENT VII. QVOQ;
IDVS IANVAR. QVA DIE PRIMVM IMPERIVM
ORBIS TERRARVM AVSPICATVS EST THVRE
VINO SVPPLICENT ET HOSTIAS SINGVL. IN
MOLENT. ET COLONIS INCOLISQVE TVS VINVM
EA DIE PRAESTENT.

Quod verò Cenforinus scribit ex ante diem
xvj. Kal. Ianuarijs Cæsarem Octauium Augustum appellatum esse, & imperij regimen sumpsisse, atque Ouidius lib. 5. fastorum in idus Ianuarij refert, ex hoc Narbonensi

nenſi monumento, die ſeptima Ianuarij
factum planè liquet. Nec Imperij tantum,
ſed etiam adoptionis Natalem diem cele-
brabant, vt Spartianus ſcribit de Hadriano,
qui accepto ſuæ adoptionis, & mox exceſ-
ſus Traiani nuncio, diem adoptionis &
Imperij celebrandum inſtituit: v. inquit,
Iduum Auguſti die, legatus Siria litteras
adoptionis accepit, quando & natalem ado-
ptionis celebrari inſſit iij Iduum earum-
dem, quando et Natalem Imperij inſtituit
celebrandũ, exceſſus ei Traiani nuntiatus eſt.
Ad hanc veterem formulam fauſtum felix,
qua Romanos vſos fuiſſe probauimus in
ſuſcipiendis votis pro ſalute Principum,
præter Narbonenſe marmor, facit veteris
Kalendarij inſigne fragmentum, nuper
Amiterni, quod nunc Caſtrum Sancti Vi-
ctorini appellatur, eſſoſſum; quod P. Pur-
porinus Baroncinus Cæleſtinus ſingulari
doctrina, atque eruditione excultus, mihi
perhumaniter exhibuit, a ſe ab exemplari
deſcriptum, & Commentario illuſtratum,
in quo vij c. Octobris. B GE-

GENIO PVBLICO FAVSTAE FELICI-
TATI MINER. VICTR. IN CAPITOL:
APOL.

Hæc inter vetera Augusta monumenta, recens Urbis Regius honos, Christinae Suecorum, Gothorum, Vandalorum Reginae introitus Urbis silentio omittendus non est. Quam venientem ad sacra Apostolorum limina veneranda, Alexander VII. Regia pompa excepit, Flaminiae principi Urbis portæ inscripto titulo

FELICI FAVSTOQVE INGRESSVI
ANNO DOM. MDCLV.

Cæterum Plinius in Bithynia proconsulatum agens epist. 12. lib. 10. ad Traianum, sic nostræ opitulatur sententiæ: *Diem in quem tutela generis humani felicissima successionem translata est, debita religione celebrauimus, commendantes Dijs imperij tui auctoribus, & veta publica, & gaudia &* Epist.

101. *Vota Domine priorum annorum nuncupata alacres, letique persoluimus, nouaq; rursus, curante commilitonum, & prouincialium pietate, suscepimus, precati Deos, ut Te, remque publicam florentem, & incolumen ea benignitate seruarent, quam super magnas; plurimasque virtutes, præcipua sanctitate consequi, Deorum honore meruisti.* Sequioribus etiam sæculis, apud Christianos Principes, hæc consuetudo permansit, & Græcis Imperatoribus frequens, ut eleganter describit Corippus easdem Senatus, & Populi acclamationes, in quibus felices annos, & felix imperium ijsdem auspicabantur; l. 1. de laudibus Iustini Iunioris eidem & Sophiæ Augustæ.

Excubiæ primùm, quæ sūma palatia seruant Imperium felix Dominis intrantibus optant
Et lib. 2. acclamationes Senatus, & Populi prosequens.

Felices annos Dominis intrantibus orant.
Phocas, cum ex præfecto limitis Scythiæ Imperator, & Augustus, electus fuisset; eius

imagini Romam delatæ à Clero, & à Senatu acclamatum est, vt ex lib. 11. epistolarum Gregorij Magni : *Venit icona Phocæ, & Leontie Augustorum Romam, & acclamatum est eis in Lateranis, in Basilica Iulij, ab omni Clero, & Senatu.*

Codinus Curopalata de Officijs Constantinopol. cap. 17. vbi loquitur de Coronatione Imperatoris hæc habet : *Populo, & vniuerso Fossato, faustis acclamationibus personante, Imperator descendit de scuto, duciturque ad sanctæ Sophiæ templum, in quo coronandus est.* Et ibi multa congeffit Gretserus; vti etiam Cardinalis Bona sacra Purpura, ac doctrina Eminentissimus Rerum Liturgicarum lib. 2. cap. 5.

Sed nostram hanc de Anno nouo Imperij sententiam, comprobant etiam tituli, & cognomina ipsius Antonini in nummo, circa eius caput descripta IMP. T. AEL. CAES. HADR. ANTONINVS AVG. PIVS *Imperator Titus Aelius Cæsar Hadrianus Antoninus Augustus Pius.*

Nam

Nam Antoninus Titi Aelii Hadriani ,
qui ipsum adoptauerat, statim initio impe-
rij , cognomina sumpsit ; Patris verò Pa-
triæ nomen referente Capitolino , distulit ;
vnde non mirum quod in nostro nummo
signatum minimè sit . Capitolini verba
ea sunt *Patris Patriæ nomen delatum a Se-
natu , quod primò distulerat , cum ingenti
gratiarum actione suscepit.* Vnde hunc num-
mum, primis imperij diebus signatum fuisse
coniicimus ; eo potissimum tempore ,
quo Patris Patriæ nomen Antoninus non-
dum susceperat . At in hoc nostro , quem
Adolphus Occo descripsit , nummo ,
litteræ malè interpunctæ sunt . Extat &
alius consimilis Hadriani nummus , quem
ex thesauro Regis Galliarum edidit inter
Numismata Imperatorum Romanorum
præstantiora, Ioannes Vaillant Regius An-
tiquarius præclari nominis Vir . Circa
Hadriani caput legitur HADRIANVS
AVGVSTVS . In aduerso verò latere lau-
rea pariter dicata est, in qua SPQR.AN.F.

OPTIMO PRINCIPI. Aliumque ipsius Hadriani exhibent Francisci Gottifredi tabulæ, non dum editæ, inter numismata primæ magnitudinis; in cuius latere aduerso, laurea similis dicata est, cum litteris AN. FF. HADRIANO AVG. P P. Qui nummus cum vniuersa Pinacotheca Gotifrediana, Christinæ Reginæ thesauro accessit. Sed in utroque nummo, quatuor illæ litteræ A. N. F. F. malè interpunctæ sunt, nec inscriptionis sensum assequuntur; punctis ipsis, aut rubigine obductis, aut vetustate exesis. In nostro Antonini, nummo grandiores cæteris, quas vidimus, prominent litteræ, ipsasq; puncti omnes rotunditate conspicui discriminant, ac diuidunt, & huius monumenti magnificentiam testantur. Omittendum sanè non est, nouo, seu primo suscepti imperij anno, Senatum Populumque Romanum pro suis Imperatoribus Ioui Optimo Maximo in Capitolio vota suscepisse in Decénium, & Quinquennium. Vnde inualuit solemnitas illa Votorum

rum decennialium , & quinquennialium .
Quæ vota antiquitus pro incolumitate Rei-
publicę nuncupata fuisse patet ex Liuiio ,
eademque ab Augusto rerum potito , vſur-
pata ad ſucceſſores tranſiere , iuxta imperij
diem, decennio, aut quinquennio peracto.
Augustus enim ad remouendam ſuſpicio-
nem regiæ poteſtatis , imperium in decen-
nia , & quinquennia ſuſcepit ; itaut per to-
tum vitę ſpatium obtinuerit *Quam ob cau-
ſam* (inquit Dio ,) *poſteriores quoque Im-
peratores , & ſi non ad certum tempus , ſed
per omne vitę ſpatium ijs imperium deſera-
tur , ſingulis tamen decennijs , feſtum pro eius
renouatione agunt .* De eodem Auguſto
Propertius .

cape Roma triumphum ,

Et longam Auguſto ſaluo precare diem.

Deuiſto enim Antonio , Auguſtus trium-
phans Romam redijt , & cum acclama-
tionibus a Senatu , Populoque Romano
pro ipſius ſalute ſolemnia vota ſuſcepta
pariter , & ſoluta ſunt Ioui optimo Ma-

ximo. Cum verò Antoninus Pius, vt ob-
 seruauimus anno Urbis DCCCXC. Impe-
 rium suscepisset, ac Senatus Populusque
 Romanus annum nouum faustum, feli-
 cemque, eidem precatus fuisset, vota
 etiam decennialia pro eius salute, & inco-
 lunitate nuncupata fuere, eademque so-
 luta postea exacto decennio, vt apparet ex
 eiusdem Imperatoris nummo, in quo ca-
 put Antonini expressum est cum litteris.
 ANTONINVS AVG. PIVS. P. P. TR.
 P. XI. In aduerso latere pariter, vt in no-
 stro nummo, corona laurea exhibetur, in
 cuius medio legitur PRIMI DECEN-
 NALES SC. qui ludi tribunicia potestate
 vndecima Antonini, eius scilicet decimo
 anno Imperij elapso, acti sunt. Et sic ite-
 rum anno vicesimo exacto, vota vicenna-
 lia vt ex alio numismate eiusdem Anto-
 nini signato eius Tribunicia potestate vi-
 cesima prima ANTONINVS AVG. PIVS
 P. P. TR. P. XXI. in postica verò VOTA
 SOL. DEC. II. COS. III. quæ decennialia
 se-

Secunda dicta sunt postea Vicennalia. Nam decennales ludi, seu vota decennalia in Antonini Pij nummis primùm descripta visuntur. Ad felicitatem verò designandam, quam Imperatoribus, nouo anno, auspicari solebant, legitur apud Gruterum, in veteri lapide effosso sub Arcu Septimij Seueri in Foro Romano DECENNALIA FELICITER, in eodemque insculpta esse sacrificia notat idem Gruterus. Inde in nummis, alijsque vetustis monumentis memorantur VOTA X. VOT. XX. VOT. XXX. aliaque, vnius decadis, seu duobus, aut tribus decadam periodis absolutis. In Græcis nummis habemus ΠΕΡΙΟΔΟΣ ΔΕΚΑΤΗ & ΠΕΡΙΟΔΟΣ ΔΕΚΑΤ. ET. seu periodus decimi anni, iuxta Romanos Imperatorum nummos. Hinc Eusebius agens de annis imperij Constantini, Diocletiani, aliorumque, per decennalia, & vicennalia ipsos computat vt notat CL. V. Ezechiel Spanhemius dissertatione jx. de Præstantia, & vsu Nummi-

mismatum, qui disertissime, vt solet, de
 ijsdem votis agit. Ac de ipsis consule Infi-
 gnem doctrina, ac eruditione Virum Hen-
 ricum Noris Augustinianum Dissertatione
 de Duobus Nummis Diocletiani & Licinij
 in Auctario Chronologico de votis De-
 cennalibus. Nos breuitatis studio, illa
 tantum attigimus, quæ ad nostri Antoni-
 niani Nummi declarationem pertinent.

Vt verò ad nostram inscriptionem redea-
 mus, non omittendi sunt tituli Romanorū
 Imperatorum: PIVS FELIX vel PIO FE-
 LICI, vel FORTISSIMO FELICISSI-
 MOQUE PRINCIPI, Conspicua est e-
 tiam ipsa Felicitas Dea in nummis appicta,
 cum copix cornu, caduceo, & litteris FE-
 LICITAS AVG. vel FELICITATI AVG.
 Quæ Augustorum auspicatam felicitatem
 designat Extat in ipsius Antonini nummo
 hæc Dea, altera manu cornucopix, altera
 globum tenens, cum epigraphæ FELICI-
 TATI AVG. COS. III. Orbisque felicitatem,
 annona, & rerum copia optatissi-
 mam

mam indicat, Cumque ab Optimis Principibus, ob res feliciter gestas, publica felicitas emanet; hinc etiam in nummis TEMPORVM FELICITAS. vel FELICIA TEMPORA. appictis quatuor pueris, qui anni partes quatuor referunt: Ver scilicet, Aestatem, Autumnum, Hyemem, cum symbolis. Et sic ad designandam Temporum felicitatem, non solum in nummis, sed etiam in alijs monumentis, ac precipuè in Arcubus Romæ, inter triumphalia ornamenta, eosdem quatuor pueros insculptos cernimus, vt in Constantiniano, ac Seueriano. In huius vtraque facie, sub Victorijs, quæ sunt in apside, Genij, seu pueri alati duo insculpti sunt; quorum alter falcem, & aristas, alter vuæ botrum, & vas, seu craterem tenet; Aestatis, & Autumni indices. Inde alij genij duo; quorum alter flores, alter anseres tenet; Veris pariter, & Hyemis indices. Sed hos temporis iniurijs læsos, ex Constantinianis, alijsque monumentis agnosces. Et quam.

uis apud me plurimum valeat auctoritas Viri alioquin Eruditissimi; non tamen in eius sententiam concedere possum asserentis, Genios esse quatuor gestantes thus, & fruges, atque flores, & aues Prouinciarum a Septimio Seuerio subactarum. Nam iidem Genij, vt diximus, quatuor anni partes indicant, tum in Arcu Seueriano, tum in Constantiniano, & felicia tempora Seueri, & Constantini designant; huius quidem ob extinctam Maxentij tyrannidem, illius verò ob victoriam de Parthis, Adiabenis, & Arabibus reportatam. Vnde pax, & felix opulentia, rerumque copia humanæ vitæ necessaria orta est. Hinc in nummis ipsius Constantini, & Marci Aurelij Antonini Caracallæ, cui simul cum patre Seuerio communis est arcus, iidem pueri quatuor expressi sunt, cum symbolis anni tempora referentibus, ac titulo FELICIA TEMPORA.

Hæc pauca de Anno Nouo adnotaui-
mus in nummo Antoniniano, quæ tuæ
eru-

eruditioni , Nobilissime NICASI subijci-
nus. Vale interim Vir eruditissime , qui in
Diuionensi Academia cum omnibus Mu-
is ad sapientiam incumbis, meq, tui aman-
tissimum , atque obseruantissimum dilige .
Sitque hæc vetus tessera noui anni , quam
tibi mitto Kalendis Ianuarij , felix faustum-
que totius vitę cursus votum, & auspiciū.

Sol tibi decurrat Cælo felicibus horis ,

Atque nouos annos geminet , noua tempora
ducat,

Auratoque trahat Lachesis tua stamina filo.



DE NUMMO
COMMODI

ENT

ANNII VERI

CAESARVM

DISSERTATIO.

IAM Tertius absolutus est annus, ex quo in lucem prodijt è ruderibus Urbis, perrarus, ac si planè teneo, vnicus filiorum Antonini nummus primæ magnitudinis, qui exprimit duos puerorum vultus, singulos in singulis lateribus insculptos: alteri inscriptum est **COMMODVS. CAES. ANTONINI. AVG. FIL** alteri **ANNIVS. VERVS. CAES. ANTONINI. AVG. FIL**



Adeo verò integrum hoc numisma inter-
nitet, vt hoc vnum tempori ipsi curæ
fuisse videatur. Mira sanè perpolitur ele-
gantia,

gantia , distinctæ leguntur litteræ , & æqualiter in orbem omnia redeunt . Nulla macula quamuis leui notatur , nulla scatet rubigine , & procul a mendis cunctis è terrea vt plurimum sorde prodeuntibus , pura , ac nitida patina , vt ferunt , decoratur . Lineamenta ab illo prodeunt , quæ cum sint emendatissima , auctorem Pyrgotelem , seu Dioscoridem aliquem commendant . Admiratio quædam etiam intuentes tenet , siue formam , & similitudinem puerorum ad viuum expressam , siue decus oris , circinatos crines , & chlamydem pectori vtriusque admotam meditentur . Vnde iuremeritò in selectissima Bibliotheca Eminentissimi Principis Camilli Cardinalis Maximi nobilem locum obtinet . At quamuis vtraque inscriptio hos Cæsares Commodum , & Verum Antonini filios esse declaret , Antonini tamen nominè , non ille cognomento Pius , sed Marcus Aurelius Antoninus intelligendus videtur ; et si
ratio-

rationes aliquæ aduersentur , quæ dubitationem ingerunt , an Pio , an verò Marco illos tribuamus .

Marcus Aurelius Antoninus ex iuniorre Faustina vxore duos suscepit filios , Commodum , qui in imperio patri successit , & Verum , qui , proficiscente Marco ad bellum Germanicum , Præneste interiijt ; de quo sic Capitolinus in vita ipsius M. Antonini : *Sub ipsis profectiois diebus , in secessu Prænestino agens , filium nomine Verum Cæsarem , execto sub aure tubere , septennem amisit .* De appellatione Cæsaris , quæ vtrique tribuitur , præter ipsum Capitolinum , sic Lampridius in vita Commodi : *appellatus est autem Cæsar puer cum Fratre suo Vero .* Ita planè Commodum , & Verum Cæsares a Lampridio , & Capitolino memoratos noster nummus vtrunque representat . Nec interest Marcum Aurelium nudo nomine Antonini nuncupatum esse , cum id ex alijs nummis satis arguatur , in quibus absque prænomi-

ne Marci, aut cognomine Aurelij, solo Antonini nomine designatur. Tres hic referimus nummos, in quibus Marcus Aurelius absolutè Antoninus appellatur. Alterum Erizus edidit: in ipso duæ facies mutuo se se respicientes Marci Aurelij, & Lucij Veri exprimuntur, cum epigraphe IMP. ANTONINVS. AVG. COS. III. VERNVS. AVG. COS. II. Alterum dedit ex suo thesauro Clariss. vir Carolus Patinus, qui nummus in antica exhibet ipsius Marci Aurelij vultum, cum inscriptione ANTONINVS AVG. TR. P. XXX. in postica Faustinae eius coniugis caput FAVSTINA. AVG. ANTONINI. AVG. PII. FIL Tertius est Lucillae ipsius Marci Aurelij filiae cum epigraphe: LVCILLA. AVG. ANTONINI. AVG. FIL. Hic nostro nummo abundè fauet; nam Lucilla vxor Lucij Veri, eadem fuit Marci Aurelij filia, & soror nostrorum Commodi, ac Veri Caesarum, cum quibus eque ipsa Antonini filia designatur; nempe:

pe : LVCILLA. AVG. ANTONINI.
AVG. F. COMMODVS. CAES. AN-
TONINI. AVG. F. ANNIVS. VERVS.
CAES. ANTONINI AVG. F. Clarissi-
mus Tristanus , & ante ipsum Iacobus
Strada ijsdem Marci filijs alium num-
mum ascripsere , qui in antica refert duo
puerorum capita inuicem se se respicien-
tia cum litteris : COMMODVS. CAES.
VERVS. CAES. in postica quatuor pue-
ros cum symbolis anni tempora referen-
tibus . Aliumque præterea nummum
Amastrianorum Vero Marci filio tribuit
Tristanus : OYHPOC . KAICAP cum
capite Veri Cæsaris habet in antica , in
postica tripodem cum angue AMACTPIA-
NON Amastrianorum .

Hæc ad probandum pueros duos ad
similitudinem efformatos in nostro num-
mo , Commodum & Verum Cæsares es-
se Marci Aurelij filios ; sed huic senten-
tiæ rationes aliæ aduersari videntur .
Antoninus siquidem cognomento Pius

ex seniore Faustina vxore filios duos mares pariter suscepit, vt scribit Capitolinus : *Vxor Annia Faustina , filij mares duo , duæ femine .* Horum alterum nomine Marcum Galerium matri defunctæ superstitem fuisse constat ex græco nummo , qui refert ab vno latere ipsius Faustinae caput velatum cum inscriptione ΘΕΑ ΦΑΥ-
 CTEINA. ab alio caput puerile cum litteris :
 Μ. ΓΑΛΕΡΙΟC. ΑΝΤΟΝΕΙΝΟC. ΑΥΤΟΚΡΑΤΟ-
 ΡΟC. ΑΝΤΟΝΙΝΟΥ *Marcus Galerius Anto-*
ninus Imperatoris Antonini . Hunc Mar-
 cum Galerium eundem esse cum nostro
 Annio , satis colligi potest ex Annij nomi-
 ne in alio græco nummo Faustinae ipsius
 edito ab eodem Clariss. Patino in *Imp-
 Rom. Numism.* qui nummus pariter in
 antica exhibet senioris Faustinae caput ve-
 latum cum titulo ΘΕΑ ΦΑΥCΤΕΙΝΑ in po-
 stica eiusdem Annij vultum , cum præ-
 nomine Marci , & nominibus Annij
 Galerij Antonini Μ. ΑΝΝΙΟC ΓΑΛΕΡΙΟC.
 ΑΝΤΟΝΙΝΟC. ΑΥΤΟΚΡΑΤΟΡΟC. ΑΝΤΟΝΙ-
 ΝΟΥ.

NOY. YIOC. *Marcus Annius Galerius Antoninus Imperatoris Antonini filius.* Alius similis extat in Bibliotheca Eminentissimi Principis Camilli Cardinalis Maximi, absque prænومine Marci, sed loco prænominis, posito Annij nomine, AN. ΓΑΔΕΠΙΟC ANTONINOC. ΑΥΤΟΚΡΑΤΟΡΟC. ANTONINOY *Annius Galerius Antoninus Imperatoris Antonini.* Inde animaduertere licet, eundem Marcum Annium, qui in descriptis græcis nummis Antonini filius enunciatur, æquè, ac in nostro latino eadem nomenclatura Antonini filium dici; itaut in vtrisque ex eodem patris nomine, Antonini filius innotescat. Hinc etiam suppleri posse videntur ipsius Annij Veri nomina, ex diuersis nummis, scilicet: *Marcus Annius Galerius Verus Antoninus Imperatoris Antonini filius.* Dictus porrò Annius Galerius Verus ab Annia Galeria Faustina eius matræ, quæ fuit Annij Veri filia. At Verus Marci filius differt sanè ab hoc Annio Vero Antonini Pij;

nam

nam hic Marci prænomen habuit, ille sexti, si vera est coniectura Casauboni, ac Tristani ex Galeno libro *de Præcognitione ad Posthumum*. De fratre autem Marci Annij non constat apud auctores; cum omnes de ipso vbique fileant. Ad hanc sententiam confirmandam, Antonini Pij vulgatum nummum proferimus, in cuius aduerso latere duo copiæcornua exprimuntur, duobus filiorum ipsius Antonini capitibus vtrinque impositis, ac litteris TEMPORVM. FELICITAS. COS. III. SC. quamvis Clarissimus Tristanus hos Marco Aurelio tribuat, auctoritate ipsius nummi, qui signatus est Consulatu quarto Antonini Pij, iam mortua Faustina eiusdem vxore consulatu tertio.

Hæc retulimus de Antonini liberis, cum adeo versemur in ambiguis, ob equiuocum Antonini nomen, quod tum Pio, tum Marco indistinctè tribuitur in nummis, in rescriptis, & in Historicorum monumentis. Quæ si eruditis viris parum
con-

consona videantur , vnusquisque suam
tueatur sententiam , cum & nos parati si-
mus absque contentione , vel ab hac , vel
ab illa recedere

DVM hæc ederemus, Coenobium Pa-
tribus Ordinis Min. Obser. ædifican-
tibus in Insula Tiberina , & in platea ante
ædem D. Bartholomæi, effossa terra palmis
XVIII. inuenta est congeries tophorum ,
quam nonnulli fundamentum obelisci
olim in Insula erecti , fuisse opinantur .
Ibidem , ex ruderibus inscriptiones tres
erutæ sunt , quarum duæ marmoreæ , tertia
tophacea . Marmorea altera in similitudi-
nem aræ efformata , est Aesculapio dicata,
cui & Insula vniuersa sacra fuit : inscriptio
talis est

AISCVLAPIO

AVGVSTO. SACRVM

PROBVS. *M. FICTORI. FAVSTI *Magistri

MINISTER. ITERVM. ANNI XXXI. .

Al-

Altera incisa est in marmoris frusto, zonis, seu strijs quibusdam insculpto, absque notis alijs, quæ Kalendarium indicent; minusculis verò litteris signata.

VICI. CENSORI. LVSTRATIO. ERIT. IDIBVS. SEPTEMBR.

Tertia inscriptio topheo insculpta hæc habet.

L. RVTELIVS. L. L. ARTEMIDO
A. CARVILIUS. L. L. DIODORVS
P. SVLPICIUS. Q. L. HLOCOM
MAG. CONL. CAPRINA GALLA
EX. DD., A... C.... COE PAVER

Scribit Suetonius Augustum Urbem Romanam in regiones, vicosque diuississe, quibus tuendis, ac conseruandis, Magistros Regionum, & vicorum constituissse: *Spacium Urbis in regiones, vicosque diuissit: instituitque vt illas annui magistratus sortito tuerentur; Hos magistri è plebe cuiusque viciniae lecti.* Cum annuus esset eorum ma-

gistratus , hinc fortè in inscriptionibus
 MAG. ANNI. CV. ANNI. CVI. Magi-
 stri ipsi Collegium , & Ministros habebant
 qui, siue extruendis, siue restituendis ædibus
 sacris , & operibus publicis suam operam
 prestabant . Isidorus : *magister maior in*
statione nam ~~sepe~~ statio dicitur . Mini-
ster minor in statione , seu quia officium de-
bitum manibus exequitur . Vnde in nostra
 prima inscriptione , Probum Ministrum
 Magistri FictorI FaustI anni XXXI. fuisse
 constat , qui & aram Aesculapio dicauit .

Vicus CenforI in secunda inscriptione
 memoratus, numeratur a P. Victore regio-
 ne XIV. Transtiberina . Cum autem vici
 essent regionum partes , in quos regiones
 ipsæ diuidebantur , hunc Vicum CenforI
 pertinuisse ad Insulam Tiberinam ex nostra
 inscriptione Aesculapio dicata satis liquet

Quoad ipsius Vici lustrationem , co-
 nijcimus , non tantum Amburbia sacra
 Romæ celebrata , quæ peragebantur , cum
 Vrbs , & Pomœrium lustrabatur , sed
 etiam

etiam regionum, vicorumque lustrationes fieri moris fuisse, ipsorum terminos ambientes, ac victimis hymnisque purgantes.

De cognomine Augusti, quod Aesculapio tribuitur, obseruamus Deorum Deorumque nominibus addita fuisse Augusti, & Augustæ cognomina, ac titulos in adulationem Principum, quos diis temerè æquare volebant. Hinc Iuppiter Augustus, Neptunus, Apollo Augustus, Ceres, Diana, Isis Augusta.

SPECIAL

86-B

7828

GETTY CENTER LIBRARY

